



# RÀÑÑEE MALA YU WÈR YI AK YU TAWAT YI

- Ab mala bu wèree dafay sawar boole ca am der bu set te rafet.
- Ab mala bu wèree dafay lèkk tey naan bu baax.
- Ab mala bu wèree kanam gi dafay set ak tãnk ak gannaaw gi.
- Ab mala bu wèree dafay noyyi gu set te dafay nekk ci biir gètt gi.



- Mala bu tawat kawaram dafay woow, tilim te taq gannaaw-kër.
- Mala bu tawat dafay nêew doole, bêt yi tiis, bopp bi jëm suuf.
- Mala bu tawat yaramam mên na nêwwi.
- Mala bu tawat dafay am jafe-jafe noyyi te dafay béddeeku.

## • Gèt Yi

- Mala bu wèree dafay am bêt yu weex te yeewu.
- Bêt yi dañuy set te duñu am tooy-tooy wala rongoñ ci wet yi.



- Mala yu tawat mên nañu am bêt yu xongq yu newwi; bêt yu xongq ñooy njëkk-a wone ne mala bi dafa tawat.
- Rongoñ yu ratax wala wanent mooy tax mala bi du mên a ubbi ay bêtam.

## • Gëmmeñ

- Mala bu wèree dafay am gëmmeñ gu set ak kanam gu set boole ci li wër gëmmeñ gi.



- Mala bu tawatee dafay am gëmmeñ gu newwi ak tuñ yu woow ñnd ak tooy-tooy gu xasaw buy jöge ci gëmmeñ gi.
- Yënn saa yi dafay am ay dagg-dagg ci wetu gëmmeñ gi. Ci misaal, bëy bu am caar (PPR) mên na am ay dagg-dagg ci gëmmeñ gi.

## • Bakkan

- Mala bu wër dafay am bakkan bu set te du taq benn yuut wala tooy-tooy.
- Bakkanu mala mu wër dafay sèdd te woow.
- Mala yu wër dañuy faral di mar seeni bakkan ak seen lãmmeñ.



- Mala yu tawat dañuy faral di am ñandaxiit, ñandaxiit bu ratax te xasaw.
- Bëy bu am caar (PPR) mên na am ñandaxiit.



## • Tuñ

- Tuñ yu wër du xongq wala mu tooy.
- Tuñ yu wër dañuy faral di am melo bu set-rafet boole ca bêt yu dëgër.



- Mala bu tawatee ay tuñam dañuy xongq te newwi.
- Gëmmeñ gu woow te taq dafay wone ne mala wi gëj na naan ndox; dafa mar.
- Yënn saa yi, gëmmeñ gi mên na am dagg-dagg yuy nacc jële ca xet gu xasaw.

- Mala bu wër dafay am yaram wu set mel ni luy melax te du tooy fenn.
- Mala bu wër dafay tēb di dal di fo bolle ci sop.



- Mala bu tawat dafay xiiboon, sew ruuj, nêew doole te bari li muy tēdd.
- Mala bu wopp, gannaaw ga dafay tooy, taq ginnaaw-kër mel ni biir buy daw.